



# Il mas-chalch da Sent

[www.sent-online.ch](http://www.sent-online.ch)

[sent@engadin.com](mailto:sent@engadin.com)

october/november 2017

## MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais i'l büro da Sent Turissem [sent@engadin.com](mailto:sent@engadin.com).
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Zanetti, furnaria Clalüna, grotta da cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel Mas-chalch vegnan ramassats i'l büro da Sent Turissem. Scha pussibel giavüschaina texts in fuorma digitala.

## ARRANDSCHAMAINTS

Societats chi vöglian publicar arrandschamaints han seguaintas pussibilitats:

- a) Mas-chalch da Sent : tenor infuormaziuns survart
- b) Pagina dad internet [www.sent-online.ch](http://www.sent-online.ch): annunzchas per mail a Cla Rauch, [cla.rauch@bluewin.ch](mailto:cla.rauch@bluewin.ch)
- c) Chalender d'arrandschamaints da la destinaziun turistica:

*www.engadin.com => Events => Veranstaltung erfassen*

Quellas occurrenzas vegnan publicadas eir ill'Allegra, schi sun annunzchadas avant il termin da la fin da redacziun da l'Allegra.

## CHARTERA PUBLICA

Culla **chartera publica** dessian gnir promovüdas la comunicaziun e la discussiun in cumün ed invers il cumün politic. La chartera as rechatta i'l büro da Sent Turissem. La gruppa da lavur svöda la chartera ed elavurescha las intimaziuns chi pon gnir deponadas in fuorma dad ün simpel scrit.

Pella gruppa da lavur: Andri Poo, Marianne Werro, Cristian Juon, Esther Oes, Maja Bischoff, Aita Zanetti

## RASPADA EVANGELICA

**Di da la schoppa in dumengia, als 12 november 2017 a las 11.00 h**

Cult divin refuormà illa baselgia cun üna buna schoppa aint illa chasa Misoch davo'l cult e culla gruppa da teater da Sent chi giova las scenas da l'istorgia da la refuorma.

## BAZAR DA LA SOCIETA DA DUONNAS

**Dumengia, als 19 november 2017, a partir da las 13.30 h** in Chasa Misoch

**Bazar e stüva da caffè**

Amiaivelmaing invida

La società da duonnas

**GROTTA DA CULTURA – prosmas occurrenz** infuormaziuns detagliadas i'l Allegra e suot  
<http://www.grottadacultura.ch>

**Sonda, 28 october 2017**, 17.00-19.00 h (Schigliana)

**Vernissascha:** lavurs da la "gruppa 2022"

**Venderdi, 3 november 2017**, 20.15 h (Piertan) collecta

**Film: sms from shangri-la.** Davo discuors cun Rosmarie Frey, da la Society Switzerland-Bhutan  
[www.bhutan-switzerland.org](http://www.bhutan-switzerland.org) (in collavuraziun cun KUBUS).

## PER NOSSAS SENIORAS/PER NOSS SENIORS

**Mardi, als 7 november 2017**

**Il fò dal 1921 a Sent, algordanzas ed impreschiuns**

Referat da Bartel Demonti, davo caffè e tuorta

Infuormaziun ed annunzcha a las rapreschantas da la Pro Senectute: Chatrina Ritzmann, tel. 081 864 93 59 ed Annelise Süssstrunk, tel. 081 864 70 60

Adüna il **lündeschdi, a las 14.00 h in Chasa Misoch:** Gimnastica per las duonnas, Pro Senectute, manadra Elisabeth Poo, tel. 081 864 18 20

Adüna il **marcurdi a las 14.00 ed il mardi a las 20.15 h in Chasa Misoch:** Società da duonnas, Infuormaziun: Dorathea Stupan, tel. 081 864 04 75

**SOCIETÀ D'ÜTIL PUBLIC – concerts illa baselgia da Sent**

**dumengia, 22 october 2017, 17.00 h , collecta, baselgia**

**MUSICA CHI FA BAIN L'ORMA cul Duo NicoBea**

Bea von Viràg, flöta e Nicoletta Scheucher-Salmon, clavazin

Cuorts tocs da musica da Franz Schubert, François Joseph Gossec, Fritz Kreisler, Antonin Dvòrak, Marin Marais, Edvard Grieg, Wolfgang Amadeus Mozart, Camille Saint-Säens

**mardi, 14 november 2017, 20:15 h, baselgia**

**CONCERT VOCAL CUN MUONCHS DA LA MUNTOGNA ATHOS**

I'l rom da CULTURESCAPES Grezia preschantarà ün coro da muonchs chants tradiziunals. In lur program preschaintan els imnas a sonchs ed a lur vita sco eir corals derivants dals ultims 1000 ons dal cristianissem bizantin.

Organisà dal Center da cultura Nairs

## FANESTRAS D'ADVENT A SENT

Eir quist on füssa previs da far darcheu las fanestras d'Advent d'ürant il mais december.

Chi ha gust ed interess d'imbellir il cumün cun üna fanestra d'Advent ?

P.pl. tour sü contact cun Gianna Rauch Poo, telefon 076 450 18 14.



## **Püschain per duonnas cun referat**

In sonda, **ils 4 november 2017** ha lö darcheu il tradiziunal püschain per duonnas a Scuol. (Attenziun, **quist on ha quel lö illa sala cumünala da Scuol (chasa da scoula)**.)

Davo ün bun püschain accumpognà cun musica e chant referischa duonna Lotti Schum-Zutter davart il tema: „**Freundinnen – Was Frauen aneinander haben**“.

Duonna Lotti Schum-Zutter es nada dal 1947 e sta a Muri/BE. Ella es mamma da trais figls e nona da desch abiadis. Davo avair gnü lavurà e güdà 30 ons illa baselgia sco duonna da pastur, es ella daspö 19 ons guaivda. Ella lavura illa scolaziun da creschüts, maina seminars e dà referats.

Al püschain chi ha lö da las **08.30 (temp d'entrada 08.30 fin 08.45) fin las 11.00** illa sala cumünala da Scuol sun invidadas duonnas da minch'età. Pels uffants esa organisà ün servezzan da chüra cun üna pitschna marena.

Organisà vain l'arrandschamaint dad üna gruppa da duonnas da differentas baselgias naziunalas e libras. Annunzchas piglia jent incunter fin gövgia, ils 2 november 2017, duonna Jolanda Thanei, telefon 081 858 59 64 o 079 193 30 36. Cuosts fr. 22.--/persuna.

Società dal püschain da duonnas

## **Invid a la radunanza generala da Sent Turissem**

Stimadas commembras, stimats commembers

Darcheu es passà ün on da gestiun e no lain invidar a nossa radunanza generala. Quella ha lö:

**14 november 2017 20.15h in la Grotta da cultura**

### **Tractandas:**

1. Salüd dal president
2. Elecziun dals scrutinadurs
3. Protocol da la radunanza generala 2016
4. Rapport annual dal president
5. Spiegaziun dal quint 2016
6. Rapport dals revisuors
7. Approvaziun dal quint 2016, dis-charg suprastanza
8. Tschernas
9. Varia

Il rendaquint po gnir retrat a partir dals 31 october 2017 sün büro da Sent Turissem.

Davo la radunanza vain servi ün aperitiv. No vessan grond plaschair, da pudair salüdar a blers/as commembers/as

Amiaivels salüds

il comité

## INVID – di d'infuormaziun ogra Panas-ch / En Pitschen Einladung – Informationstag Aue Panas-ch / En Pitschen



Data: **Sonda, 28 october 2017, 14.00-17.00**

**Samstag, 28. Oktober 2017, 14.00-17.00 Uhr**

Lö: Sur En, Ogra Panas-ch, chasina da trar | Sur En, Aue Panas-ch, beim Schützenhäuschen



la chasina da trar a Panas-ch | ehemaliges Schützenhaus in Panas-ch

Il lö d'inscunter es la chasina da trar. Là as rechattan üna pitschna exposiziun sco eir infuormaziuns davart ils differents posts sül territori da l'ogna chi vain revitalisada. I dà eir ün post cun marena. | Der Treffpunkt ist das ehemalige Schützenhäuschen in Panas-ch. Dort befinden sich eine kleine Ausstellung und auch Informationen für die im zu revitalisierenden Auenperimeter verteilten Posten. Ein Posten mit Marena findet sich auch darunter.

At laschai surprender. Tuot la populaziun e tuot ils giasts sun cordialmaing invidats | Lasst euch / lassen Sie sich überraschen. Bevölkerung und Gäste sind herzlich eingeladen.

I fan part | Es wirken mit:

il büro Eichenberger Revital, la società da pes-chaders, silviculturs dals duos cumüns, uffizi da chatscha e pes-cha (AJF), specialists da differentas gruppas da plantas e bes-chas | Büro Eichenberger Revital, Fischer-eiverein, Förster der beiden Gemeinden, AJF, Artenspezialisten von Pflanzen und Tieren.

Cordialmaing invidan a quist di d'infuormaziun la Fundaziun Pro Terra Engiadina, la GKI, l'ewz ed ils cumüns Scuol e Valsot a quist di d'infuormaziun | Die Stiftung Pro Terra Engiadina, das Gemeinschaftskraftwerk Inn (GKI), das Elektrizitätswerk Zürich (ewz) und die Gemeinden Scuol und Valsot laden herzlich zu diesem Informationstag ein.



SONDA

ILS 11 NOVEMBER 2017

DA LAS 11.00H-15.30H

BÜGL DA PLAZ SENT

AMIADELMAING INVIDA LA GRUPPA DA GÖ TARTARUGAS SENT



USTARIA CUN SCHOPPA DA JOTTA, HOT DOGS, TUORTA ED OTRAS BUNAS ROBAS

TRAR CHANDAILAS

TRAR CHANDAILAS



# *Exposiziun da Nadal*

Dumengia, als 26 november 2017

da las 10.00 fin las 18.00

Regals da tuot gener, arrandschamaints da Nadal,  
e bellas chandailas in tuot las variaziuns.

No ans allegrain sün Vossa visita  
cun vin chod e pastinas da Nadal.



***Butia la Funtana***

Geschenkboutique  
Kostümverleih  
Souvenir

**Hannina Kofler-Benderer**  
Bügliet 92, CH-7554 Sent  
Tel. +41 (0)81 864 82 14  
[www.butia-la-funtana.ch](http://www.butia-la-funtana.ch)